



# PREZIDÉNSIA KONSELLU MINISTRUS

VI GOVERNUN KONSTITUSIONÁL

DÍLI, LORON 8 FULAN-NOVEMBRU TINAN 2016

## KOMUNIKADU IMPRENSA

### Sorumutuk Konsellu Ministrus nian iha loron 8 fulan-novembru tinan 2016

Konsellu Ministrus hala'o sorumutuk iha loron-tersa ne'e, iha Palásiu Governu nian, iha Dili, no fó apoiu ba proposta husi Ministru Estadu, Koordinadór Asuntu Ekonómiku kona-ba formalizasaun kandidatura kona-ba **adezaun Timor-Leste nian ba Organizasaun Mundiál Komérsiu nian (OMK)**. Objetivu husi OMK, ne'ebé iha ona membru hamutuk 120 resin, maka "asegura katak, karik bele, fluksu komersiál sira sai simples, previzível no livre liután". Ninia funsaun prinsipál maka atu administra kriasau no aplikasaun husi akordu komersiál lubuk ida entre nia membru sira. Adezaun Timor-Leste nian sei garante asesu ida ne'ebé boot liután husi nia esportasaun sira ba merkadu internasionál sira. OMK garante, la'os de'it troka komersiál sira ne'ebé fasil liután, maibé mós asesu ba koñesimentu tékniku, apoiu sira no padraun lubuk ida ne'ebé promove kualidade husi produktu sira ne'ebé atu importa.

Konsellu Ministrus aprova ona, tuirmai, proposta tolu ne'ebé Ministériu Finansas apresenta. Ida dahuluk, maka kona-ba asinatura akordu ida **kona-ba empréstimu husi Banku Dezenvolvimentu Aziátiku ba finansiamentu estrada parte Manatutu-Baukau**, husi projetu Estrada Nasionál 1 (Dili-Baukau). Ba daruak, kona-ba **abertura no termu konta nian sira "escrow" iha ámbitu ezekusaun parseria públiku-privada ba Portu Tibar**. Ikusliu maka, **Rezolusaun Governu nian kona-ba adosaun norma sira husi Deklarasaun Arucha Revista, husi Organizasaun Mundiál Alfândega nian**, kona-ba jestaun ne'ebé efikás no kona-ba étika iha matéria aduaneira nian. Deklarasaun ne'e, hetan adosaun iha Arucha, Tanzânia, iha tinan 1993, no hetan revizaun iha tinan 2003, iha prinsípiu orientadór sira kona-ba atividade aduaneira nian ne'ebé ko'alia kona-ba kombate ba korrupsaun.

Ministériu Finansas apresenta mós relatóriu rua: ida kona-ba **progresu husi verifikasaun servisu selu depois (pós-pago) no selu antes (pré-pago) ne'ebé kontrata ona ho Timor Telecom** no ida seluk maka kona-ba **ezekusaun Orsamentu tinan 2016 nian**.

Konsellu Ministrus analiza ona mós projetu kona-ba kriasau **rejime kontrolu nian kona-ba sirkulasaun merkadoria, kareta, motorizada no bisikleta-motór (motociclo, iha lian portugues) sira iha fronteira rai-maran, ne'ebé tama no sai husi territóriu nasional**, ne'ebé Ministériu Interiór propoin. Medida ida



Palácio do Governo,  
Avenida Presidente Nicolau Lobato,  
Dili, Timor-Leste

pcm.gov.tl@gmail.com  
(+670) 33 310 608

ne'e sei kumpre faze daruak husi Planu Seguransa Interna nian, ne'ebé temi iha Programa Governu nian, ne'ebé propoin atu kontinua dezenvolve esforsu sira hodi "hadi'a kapasidade operasionál ne'ebé efetivu atubele previne no investiga krime, hametin seguransa públika no hadin'a kontrolu iha fronteira".

**REMATA**



Palácio do Governo,  
Avenida Presidente Nicolau Lobato,  
Dili, Timor-Leste

[pcm.gov.tl@gmail.com](mailto:pcm.gov.tl@gmail.com)  
(+670) 33 310 608